

الحقوق المعنوية للزوجة (2) | الشيخ شوقي عبد الصادق

شوقي عبد الصادق

الحمد لله خلق الزوجين الذكر والانثى من نطفة الى تمته. واشهد ان لا اله الا الله وحده لا شريك له. واشهد ان سيدنا وامامنا وعظيمنا وقدوتنا ومعلمنا ومرشدنا رسول الله. صلى الله تعالى عليه وآله - [00:00:00](#)

وصحبه وسلم وبعد ما زلنا عباد الله مع قوله تعالى ولهن مثل الذي عليهن بالمعروف اوف ودرهنا على ما لهن من حقوق مادية ثم تطرقنا الى الحقوق المعنوية وكان اولها حقها في الفراش - [00:00:40](#)

وباقى الحقوق المعنوية اولها اليوم معنا واهمها تعليمها ووقايتها من النار. الزوجة ليست فقط ماعون للشهوة. انما هي شريكة الحياة دنيا واخرة. اما سمعتم رسولكم صلى الله عليه وسلم وهو يقول عن خديجة رضي الله - [00:01:10](#)

عنا كانت وكانت وكانت ورزقني الله منها الولد. ويأتي جبريل ببيت في الجنة من قصب لا نصب فيه ولا وصب. تسكن فيه معا من انها رفيقة حياتها ورفيقة جهاده. ورفيقة دنياه واخراه - [00:01:40](#)

هكذا امهات المؤمنين. والذين امنوا واتبعتهم ذريتهم بايمان الحقنا بهم نيتهم وما التناهم من عملهم من شيء. وحتى تتم النعمة تجتمع الصلاة في دار الكرامة عند الله. يلحق الزوج ان كان اقل عملا ورتبة بزوجه و - [00:02:10](#)

واولاده او تلحق الزوجة ان كانت اقل رتبة وعملا بزوجها واولادها حتى تتم النعمة وتقر الاعين. فالزوجة ليست معونا للشهوة او مزرعة للاولاد وانتهى الدور. انما هي رفيقة حياة دنيا واخرة - [00:02:40](#)

شريكة كفاح شريكة دعوة شريكة ابلاغ للرسالة شريكة في كل خير يجب على الزوج ان يعلمها. وان يقبها نار الله الموقدة. يا ايها الذين امنوا انفسكم واهليكم نارا وقودها الناس والحجارة. وامر اهلك بالصلاة - [00:03:10](#)

واصطبر عليها لا نسألك رزقا نحن نرزقك والعاقبة للتقوى علمها العقيدة الصحيحة. علمها كل ما تعلمته من دين الله. والا فسوف تكون هي هملا وصيدا سائغا فسيعلمها الفسقة كفره والزناة وقطاع الطرق وتجار المخدرات بمالك - [00:03:40](#)

لأنك انت مستورد لها كل هذه الاشكال النجسة. ومدخلهم بيتك وبرضاك وبرضاك احد الازواج يشكو قلت له نهار قاعدة على انت. طيب ما مع مين غيرك ايها اكمل بقى انت ما بين القوسين - [00:04:20](#)

مش هكمل منبر ينزه على قاعدة على انت مع مين؟ بيعلموها ايه؟ بتتعلم منهم ايه؟ لان انك تركت الميدان فافتحمه كل هؤلاء. رجال ونساء شباب وشابات من عينات من انجس خلق الله. واحيانا يتظاهرون انهم يتواصلون في الخير وبيعرفوا بعضهم. بيقولوا - [00:04:50](#)

احاديس وبيقولوا بعضهم ايات حاجة كده يعني فرايحي لكن الامر ليس كذلك اذا لم تعلمها تعلمت من الجروبات والمجموعات اللي ماما لمامة. لمامة اسماء مستعارة. اهواء ولا انت عارفه مسلم ولا غير مسلم على دين ولا على - [00:05:20](#)

هم دول اللي بيعلموها. والنبي عليه الصلاة والسلام امر ان تعلمها. علمها العقيدة الصحيحة. علمها كيف تصح عبادتها كيف تصح عبادتها من صيام ومن صلاة ومن زكاة ومن حد علمها. علمها كيف تخرج الشارع. علمها - [00:05:50](#)

حدود الكلام مع الرجال والنساء. علمها ما لها وما عليها. كل ده مطلوب منك انت. كلكم راح كلكم مسؤول. حيجهها على الطاعة. يقول النبي صلى الله عليه وسلم رحم الله رجلا قام من الليل فصلى - [00:06:10](#)

فايقظ امرأته عشان تصلي. على الاقل الفريضة دا اقل القليل. فان ابت رش في وجهها الماء. قومي. ورحم الله امرأة قامت من الليل فصلت فايقت زوجها فان ابى رشت في وجهه الماء. هذه الاسرة يبقى تعلمها - [00:06:30](#)

وان تنقزها من نار الله من نار الله الموقدة. هذا من اهم الحقوق المعنوية. وثاني الحقوق معنا اليوم المعاشرة بالمعروف. المعاشرة بالمعروف قال رب العزة سبحانه لا يحل لكم ان ترثوا النساء كرها. ولا تعضلوهن لتذهبوا ببعض ما اتي - [00:07:00](#)

اتيتهن وعاشروهن بالمعروف. فان كرهتموهن فعسى ان تكرهوا شيئا ويجعل الله فيه خيرا كثيرا. وقال صلى الله عليه وسلم فيما رواه مسلم وغيره. لا يفرك مؤمن مؤمنة ان رضي منها ان كره منها خلقا رضي منها اخر او غيره. رضي - [00:07:30](#)

منها اخر اي خلقا اخر او رضي غيره. يعني كره منها خلقا رضي منها غيره اي لا يبغض. مؤمن مؤمنة. وده امر هحتاجه بعد ذلك يبقى المعاشرة بالمعروف. التي امر بها النبي صلى الله عليه وسلم في خطبه الجوامع - [00:08:00](#)

في حجة الوداع وعاشروهن بالمعروف. فانكم انما اخزتموهن بامانة الله واستحللتم فروجهن بكلمة الله. استوصوا بالنساء خيرا عليهن الا يطنن فروشكم احدا تكرهونه فان فتركهونه فان فعلن ذلك فاضربوهن ضربا غير مبرح - [00:08:30](#)

ولهن عليكم كسوة رزقهن وكسوتهن بالمعروف. المعروف. المعاشرة بالمعروف وصى النبي بهن رغم ما فيه والرسول يكشف ما فيهم وبدون حياء ولا مواراة ولا مجاملة. كثير من الناس اليوم ذات من يظهرون في وسائل الاعلام ينافقوا النساء كذابون ينافقوا النساء - [00:09:00](#)

يعني مسلا نبينا يقول استوصوا بالنساء خيرا. فانهم خلقن فان المرء خلقت من ضلع وان اعوج شيء في الضلع اعلاه. فان ذهبت تقيم كسرت انا عاوز اعدل العوج هتكسرهما خالص. فان ذهبت - [00:09:40](#)

تقيمه كسرتة وان تركته لم يزل اعوج. فاستوصوا بالنساء خيرا. برضوا ايوة يعني رغم العوج ايوة يزهد يطلع بقى ينافق ويكذب ويجادل انما فيها عوض ده زي الفل ده الراجل هو المعوج - [00:10:10](#)

ويعمل حملة على الرجال والنساء يدافع عشان يحتل له مكانا. يحتل له مكانا في سلة مليون من البشر ويغالط. رسولنا صلى الله عليه وسلم لا ينطق عن الهوى في خبر عن رب العالمين ان رب العالمين اللي خلقها خلقها من اصل معوج. فيها - [00:10:30](#)

ومع العوج يجب ان نوصي البشر والازواج بها خيرا قال خدها كده واتعامل معها كده. زوجة مسلا سليطة اللسان وخلص كيف تعبها؟ اتعامل معها. تيجي تعجن اللسان ده انت واخدها عندها ثمانية وعشرين ثلاثين سنة. هو من ثلاثين سنة هو لسانها - [00:11:00](#)

كده هتعمل ايه في طلقها بقى؟ هو ده الكسر عدل العوج. سليطة اللسان. تعمل ايه انت تعامل مع الشخصية هذه استمتع بهذا العوج على حاله. خليك انت عفن اللسان. قصير - [00:11:30](#)

لسه كلامك يبقى قليل. تصرفاتك محسوبة. فرمل. ما هو انت في لسان يبقى ما تهيجوش. اتعامل معه انت عارفه. وهكذا. وهكذا عباد الله يوصينا الرسول رغم العوج اللي في هو حد له اختيار في اصل خلقتة يعني ايه - [00:11:50](#)

ابليس اختار النار يخلق منها ادم اختار الطين يتخلق منه ابداء. ده ربك يخلق ما يشاء اختار فاخترها من ضلع. اه صحيح الضلع اعوج. بعض الفقرة دي فيها مزية وجمال - [00:12:20](#)

بس برضو اسمه عوج. قالوا ان العوج ده جمال الضلع. وحلاوة الضلع ان لو عدل مش هيستر ويحلو فلما يكون اعوج هيلم المنجل اللي الناس بتضمو بيه الغلة والبرسيم اعوج يلم - [00:12:40](#)

اعوج يجيب فهي في العوج ده تحنو وتحتضن ومن ضمن من تحتضنهم الازواج هي تحتضن زوجها برضو وولادها. بالامس القريب كنت اصلح رجلا مع امرأتي. لقيت الولد طيب جدا ولقيت البنت شرسة جدا. فقلت له قلت لها كده صراحة. جوزك طيب. احتويه - [00:13:00](#)

قلت له ترضى تحتويك؟ قال يعني ايه؟ قلت له يعني تحتويك. تاخذك تحت جناحها. في المعروف قال ماشي ما هو طيب ماشي ما فيش مسح ولا عيب لا عيب ان تحتوي المرأة زوجها بالصواب - [00:13:30](#)

لما تكون ارجح عقلا منه ربما كذا مش معناها القوامة. لأ القوامة دي حاجة لا يمكن تبادل مواقع القوامة القوامة حاجة والاحتواء حاجة تانية. الاحتواء يعني ده مسلا لانه ما جاتش الزوج مش عارف يغتاب اصحابه. مش عارف يختار اصحابه - [00:13:50](#)

ولا تعديل ورائي عليه في الاصحاب. ورأيها صواب. ورأينا صواب. ولقيته مفرط في بعض في امور خاصة برب العالمين وعندها

صواب. فالاحتواء هنا معنى تحضه على الصلاة تحضه على الطاعة. تقول له يخش بيت - 00:14:15

فلان وما بيدخلش بيتنا علان صاحب ده صاحبه. والصاحب ده وحش ما يخشش مسلا يعني. انما ما تبقاش قيمة عليه ده معنى

الاحتواء. فالشاهد عباد الله ان الرسول يوصينا بالنساء خيرا رغم المادة بتاعتهم فيها عوج. وجاية من ضلع - 00:14:35

ويوصينا بهم خيرا مراعاة لحالهم. لما يقول عليه الصلاة والسلام استوصوا بالنساء خيرا. فانهن عندكم عوان. يا الله! عوان رغم كل

اللي القانون اداه لها. والتمكين اللي ربنا القانون الوضعي يمكنه يقولها هي عوام - 00:14:55

وعوام جمعانية وعانية يعني اسيرة. فانهن شف الرسول يعني يا مسلمين. استوصوا بالنساء فانهن عندكم عوان. عوان يعني اسيرة.

اسيرة. ومعروف اليسير بيبقى نتيجة نتيجة غزو تم القتال او ما تمش هو ده الاسير. ممكن يكون من الفية وممكن يكون من الغنايم.

طب وهي اسيرة ازاى؟ انت غنمتها - 00:15:25

من اهلها ايوه خدتها خلاص من اهلها اسرتها في بيتك خلاص. بقت بتاعتك. الاسير ده ده له قوانين على العالم قوانين معاملة الاسرى.

في الطعام والشراب والعلاج والتبادل. فالاسير اللي عندك ده - 00:15:55

اهو رب العالمين يوصيك به خيرا. اسير ايوه اسير تقول ده صوتها عالي ده بتضرب ده بتشتتم ده بردو اسيب ومهما القانون اداها هي

قسيمة. لا تخرج عن دائرة الاسر. ولما نديها حرية - 00:16:15

نيته بقت دمرت. الاسير ده هو لو خرجناه من القسم وادينا له حريته دمرناه ده حلاوته يفضل قسيم. يعني انا لما تطلق المرأة وخذت

كل حقوقها. القايمة او القسيمة وكل حاجة وسابوا له - 00:16:35

على البلاط وروحت بيت ابوها عملت ايه ولا حاجة. طلعت من الحرية لا ده دخلت اوسخ سجن احلى حاجة اسريها عند زوجي. هو

ربنا كده خالفها كده. تبقى سيرة هنا. وما تبقاش حرة في اي مكان ثاني - 00:16:55

ترجع بيت ابوها تبقى برنسيصة؟ لا. ولا لها لازمة. ويرجع ابوها وامها ويقول يا رب يرزقك يا بنتي بابن الحلاقة طب ما كان فيه ابن

حلال قبل كده. يا رب يرزقك يا بنتي بابن الحلال. ابن الحلال يعني هتسيبكم وتمشي. يعني هتروح ثاني - 00:17:15

اسر لان هي مخلوقة كده. فانهن عندكم عوان عواد يعني يا مسلمين نسائكم لابد ان يكونوا عندكم. ما يكونوش في بيت اهاليهم

يكونوا عندكم. فلما تكون بقت اسير فانت تحسن معاملة الايه؟ الاسير. ناخذ بعض النماذج. طبعا اللي ضرب - 00:17:35

اروع الامثلة لم يأت احد بمسل ما جاء به هو رسول الله. كيف تعامل النساء؟ كيف تدار البيوت هناخذ بعض النماذج. اول شيه رؤية

المحاسن بجوار المعاييب من العشرة بالمعروف اني ترى محاسن امراؤك بجوار معاييبها. يا اخي ده انت ربنا سبحانه وتعالى خالق لك

عينين - 00:18:01

مش لسان واحد هو لسان واحد ده يقوم يا يرمي كلمة حلوة يا كلمة سيئة ما يعرفش يعمل كلمتين في وقت واحد. يا ديتي انما

العينين كل عين ممكن تبص بحاجة وتشوف حاجة. فما تبقاش احول. ما تبقاش احول. زي ما انت شايف - 00:18:31

عيوب فيها محاسن. الله منتج مستهلي اصلا. انت لما كنت رائح تخطب كنت رايح تخطب كتلة من العيوب فر من العيوب ببقى انت

مغفل. انت عميت؟ اكيد شايف فيها حاجة حلوة. وان دي دفعتك تروح اصلا وتدق الباب عليهم - 00:18:51

وبعدين ظهرت عيوب وارد وان النكد وبعدين العيوب تظهر. فخليك دائما شايف الاثنين مع بعض شوف العيوب وشوف المحاسن.

وده امر قرآني في كل حاجة مش في الزوجة بس. قال رب العزة ولا تبخلن - 00:19:11

قسوا الناس اشياءهم. ولا تعشوا في الارض مفسدين. ودي مصيبة المسلمين انهم بخس الناس. بخس الناس كل واحد فينا يا اخوانا

له حاجة مميز في حاجة لا مع في حاجة لكن عيبنا ان احنا بنمسح - 00:19:31

عشان نزه احنا لا ولا تبخسوا الناس اشياء. والحديس اللي كان معنا قبل كده برضه لا يفرك مؤمن المؤمنة ان كره منها خلقا. شايف

العيوب ده هو؟ رضي منها اخر. فمن المعاشرة بالمعروف انك شفت - 00:19:51

الاثنين شوف المزايا وشوف العيوب والشقافة لما بيحصل بتبقى شايف العيوب بس اقسام بالله يا جماعة واتنين اخوة ملتزمين يعني

من حملة قالوا النقاب واللحية والحاجات الحلوة خالص اللي الناس بتتنشأ عليه. الزوجة عمالة تقول عمل وسوى وراح وجه وطرد

وفعل وكزا وكده. قلت لها انا - 00:20:11

انا حاسس ان انا يعني قدام يا ابليس يا فرعون. انا مش شايفه غير كده. وبعدين قلت يا يعني افرفش المقلي شوية قلت له قل لي مزاجها ايه؟ قال فيها كزا وفيها كزا وبنت كزا وبنت كزا الله الله الله! كل ما اعيد الكلام عليها تاني يقول لها - 00:20:31
ميزته ايه؟ ما تزكرش ولا ميزة ابدأ. مش شايفة الا الايه؟ خل بالك احنا رايعين اصلا عشان نروحها وهي عارفة ان هي هتروح يعني حتى الشاهد يجب عليك اخي المسلم كما ترى عيب امرأة في امرأتك شوف مزايها يا اخي - 00:20:51

شوف ايه اللي خلى لعابك يسيل عليها من الاول ورحت ومضيت على القايمة بياض وامضي فين امضي حاضر والقسيمة. ايه يا عم تتجوز؟ شايف فيها ايه؟ اشمعنى بقى بعد شوية الطبشات؟ اللي ابليس - 00:21:11

ايش جايهم او الشياطين الانس جايهم عشان يهدوا البيت. ما انت شايف الا العيوب بس. شايف اي مزاج فمن المعاشرة بالمعروف ان نرى المعاييب والمحاسن. بص على الاثنين. واعمل موازنة. افرض الاثنين طلعا نص - 00:21:31

ونص حلو ده انت بطل. بطل في الزمن ده بالزات. طب خمسة وسبعين معاه يبقوا خمسة وعشرين حسنا برضو حلو. وفي تقبل ومع الوقت تتداوى. ما بتخونكش حب. ايدها مش طويلة حلوة. في ايه تاني - 00:21:51

فيه شوية حاجات كده مع الوقت بقى. دي حاجات وطبعا من ناحية الطاعة وطاعة ربنا دي بتصلي صوام قوام كويس. انما عمرها ما خانتك ما مدتش ايدها على حد. في حاجات تانية بقى مش عجبك فيها. مع الوقت تتداوى. اللي هو العوج بقى. اتعامل مع العوج ده هتعبش - 00:22:11

انما انت فاهم عاوز حاجة خالية من العيوب ابدأ بنفسك. ان كنت تقدر انت تتخلص هي هتتخلص ومحال علينا طبعا. محال على اي واحد فينا ان يكون خاليا من العيوب. هذا محال. فينا كل واحد فينا عيوب - 00:22:31

يبقى النظر. سانبا نزر للمحاسن والمعايير. سانبا مؤانسة الزوجة وادخال السرور عليها الحياة الزوجية يا اخوانا زي العيش بالزبط والعيش انواع في عيش ملدن الرقاق والحاجات اللي بنشوفها في الشارع دي - 00:22:51

الماية اللي فيها نش طالما مطلعينا بالولعة فالرغيف ايه ناشف خالص. ان وقع على الارض ما تلاقيش رغيف الطري بقى ابو شلن ده طبعا لا اصيب يعني لا اوصيكم به خيرا. كتلة من الايه؟ الطين. يقع على الارض تطلعه وتنزله - 00:23:11

تانية وترميه مسرح ما توديه هو ايه؟ هو رغيف. فعاوزين الحياة الزوجية زي العيش النشف بقى. بيبجي عليها وقت تأدب لو وقعت اتفرقت. فلازم نظريها اللي هو بقى ده ايه؟ مؤانسة الزوجة. ادخال السرور عليها - 00:23:31

سيدنا النبي يعلمكم حاجة لعلمكم تنتفعوا بها. عائشة رضي الله عنها تقول ايه بقى؟ تقول كان اذا صلى ركعتي الفجر اللي هم السنة مش الفرض. بين الفاصل السنة والفرض كان فيه فاصل كده راحة للرسول لانه واقف بيصلي في الثلث الاخير - 00:23:51

انس كان اذا صلى ركعتي الفجر ان كنت مستيقظة حدثني وان كنت نائمة اضطجع حتى يقام للصلاة. يا سلام! وده وقت سهرية؟ ايوة. ده وقت سهرية يا رسول الله؟ اه. ده زوجته - 00:24:11

بتقول هي بتقول كده. بتقول يصلي ركعتين السنة. ان كنت صاحي يقعد يتكلم معه ويدردش معه. ما عاوز يكلمه وان كنت نائمة اضطجع اضطجع هو ارتاح شوية عبال ما انك تقام للصلاة. مؤانسة اهي مؤانسة الزوجة - 00:24:31

حديث في وقت ده وقت حديث قبل الفجر بنص ساعة بتلت ساعة ده وقت حديث؟ اي وقت حديث. لو كده حدسها تقول لها انا تعبان طول الليل انا انا مدغدغ. وهقول لها ايه؟ طب حدسها بالنهار. بلاش - 00:24:51

بالليل انت نايم متأخر وهتقوم على الصلاة بالزبط وظابط المنبه على الصلاة يبقى حديثها بالنهار انا فاضي انا بشتغل ورديتين امال حدس امتي والله العزيم يا اخوانا الناس فوق الستين وفوق السبعين وبيقولوا كده. بيصرخ من زوجته. بيقول انا بمشي طول النهار بكسر في جسمي عشان - 00:25:11

قلت له والمسكينة اللي في البيت؟ قال اه ما فيش. قلت له طب هتعمل ايه؟ هتكلم الحيطان؟ هتكلم الحيطان؟ ولو يعرفوا يطلقوا كانوا اتطلقوا لازم تكلمها. قال بقعد معها تقول له فلانة وفلانة وغيبة ونميمة. قلت له جهز لها حاجات انت؟ موضوعات للحديث من

00:25:31 عندك؟ سمعت كذا. اخذ -

قطبة قصة فيها موعظة قلها لها انت. اتعلمت حاجة قلها لنا. ابدأ انت بالمبادرة ما تخليهاش هي تتكلم. بس اتكلم. الشاهد يا اخوانا الحاجات اللي نخلي بالننا منها. فحياة عبارة عن جحيم لا طايق يشوفها ولا طايقة يشوفها. وبلغوا من العمر عتيا - 00:25:51 وهكذا. فهكذا الرسول صلى الله عليه وسلم فارق السن. مؤانسة الزوجة وادخال السرور. الرسول عليه الصلاة والسلام يعلمنا ده ان كان عندك يعني اكر من زوجة ما عندكش برضو طبق في الزوجة الواحدة على قد ما تقدر منه. من افعاله صلى الله عليه وسلم -

00:26:11

عدم خبير او تبوك. السهوة او المكان الخاص بالسيدة عائشة عليه اشترى. هبت ريح فكشفت الستار عن لعب لعائشة. لعب. عيناها كده وراء الستار. في وسط اللعاب فرس وله جناحان من رقاق من جلد. فقال صلى الله عليه وسلم ما هذا يا عائشة؟ قالت لعبي -

00:26:31

بناتي مش بناتها اللي مخلفاهم اللعب اللي بتلعب به. تلعب! احنا فاتحينها حضانة! اه ده الرجل العاقل بقى الرجل التقييل فاتحين الحضانة لعبي قال ما هذا الذي ارى وسطهن؟ انا شايف وسط اللعب حاجة كده. قالت فرس قال - 00:27:01

فهذا الذي عليه ايه اللي على الفرس ده؟ قالت له جناحان. قال لها فرس له جناحان. قالت له نعم؟ اما سمعت ان خيل سليمان كانت لها اجنحة فضحك النبي صلى الله عليه وسلم. حتى بدت نواجزه. بالله عليك كانت تبقى - 00:27:21

ليلة مش فايتة لو واحد فينا عاصم ربنا. فرسوا له جناحين وفرقوا خلصوا لا ما لها اجنحة. يعني انت مسقفة وعارفة عن سيدنا سليمان اللي الرسول ما يعرفوش! تقول له انت ما سمعتش ان خيل سليمان كانت لها اجنحة! طب واشمعنى خيل - [00:27:41](#)

زي ما ما هي خير سليمان زي باقي الخيول. الملائكة اللي لها اجنحة. الخيول كلها خيول. تمشي على الارض كده ما بتطيرش. الملائكة اجنحة انما ضحك. يعني ايه؟ احترم سقافتها في الجزئية دي. معلوماتها ما قالش ايه العبط ده؟ ايه الهبة دي - [00:28:01](#)

ها شيلي يا بت الحاجات دي لا ضحك. بيراعي هويتها. جارية صغيرة ده لما توفي صلى الله عليه وسلم كان عندها تسعناشر سنة. تسعناشر سنة ودي حكمة ربنا ان يرزقنا بهذه الام العظيمة - [00:28:21](#)

عشان تنقل لنا الدين. زاكرة قوية حافزة تحفظ من اول مرة وتبلغ الامة الصغيرة والكبيرة تقولها لنا من ضمنها دي يبقى ادخال السرور عليها خلاص ساب اللعب تلعب بها وجايبها من عند ابو بكر. اللعب دي - [00:28:41](#)

جاية بها من عند ابي بكر. بس مش المكتوبة في القايمة ولا كان في قايمة. جايبة اللعب. كان رماها برة فنحن فاضيين نلعب جارية. طب هل عندي سودة رضي الله عنها وهما متجوزين يعني الرسول اتجوزهم اتنين في يوم واحد - [00:29:01](#)

ودخل بواحدة قبل الثانية بس كجواز كده اللاتنين في يوم واحد. هل عندي سودة كان عندها لعب؟ لأ طبعاً. سودة ست كبيرة. كبيرة وما فيش ما فيش لعب ما خلاص عدت مرحلة اللعب - [00:29:21](#)

هي هي عائشة تحكي عن نفسها من ادخال السرور والانس تقول خرجت مع رسول الله صلى الله عليه وسلم في سفر فلما ردعنا قال لاصحابه تقدموا تقدموا. فتقدموا. الصحراء واسعة والصحابة مشيوا مسافة بعيدة - [00:29:38](#)

ومدين ظهرهم للرسول وما فيش واحد طفس يتلفت يشوف ايه اللي بيحصل زي ما بيحصل دلوقتي خاتنة الاعمين وما تخفي الصدور وتلف شمال ويمين تقدموا. فقال صلى الله عليه وسلم تعالي اسابقك. اي الصحراء - [00:29:58](#)

نزل من على الفرس او الشيء اللي راكبه ويجروا في الصحرا. تقول فسبق فسباقته فسبقني فسباقته فسبقتة خفيفة لسة هي من نفسها فى الرواية تقول لم احمل اللحم. ولم ابدن كنت خفيفة. فى بس يعنى كلمة - [00:30:18](#)

على الهامش كده حول الموضوع. سفر سفر يا اما غزو. وغالبا كله غزو. اه الرسول كان هيسافر ليه يعني؟ بعد النبوة. وراجع من الغزوة شوفوا العظمة. شوفوا العظمة. راجع من الغزو. منتصر - 00:30:48

كان وبيتسابق. سعيد فرح بنصر الله. وتمكين الله. جاي من بلاد ينشر فيها الدين ويعز فيها الاسلام. مش سفره تروح بلاد تنزل انسلك من دينك وتبقى مهين وزليل وكل امنيتك ترضى اللي انت عندهم عشان تجيب فلوس من عندهم - 00:31:08

اما رسولك؟ لا عزيز ينشر الدين. ويرجع بالخير يرجع بالخير زي ما نشوف برضه في اللقطة الثانية دي. ومن ضمن راجع ومنتشي.

تقدموا يا الصحابة ويتسابقوا هو وزوجته. وما سابش حاجة من دينه بل بينشر دينه. تقول فلما كان - [00:31:38](#)

اخر قال لي وقد نسيت نسيت ان كان في سباق قبل كده. قال لي قبل ادنت بدنت وحملت اللحم بقت ثقيلة تعالي اسابقك قالت كيف اسابقك رسول الله وانا هكزا ما ينفعش خلاص ما بقت ثقيلة. قال لا تفعلن يعني هتسابقيني بالامر. برضو - [00:32:08](#)

نزل وجريوا فسبقني. اهي ثقيلة بقى. والرسول صلى الله عليه وسلم خفيف فجعل يضحك ويقول هذه بتلك السابقة. فاكرة فاكرة المرأة تعادل اهو. سبقتين ولا ايه ده كله ده يعني ايه لازمته تقول الكلام ده اصلا؟ انت فاضي يا رسول الله؟ لا والله العظيم ما هو فاضي. والله العظيم ليس بفارغ انما هذا - [00:32:38](#)

من صميم عمله من صميم رسالته. اصل هو ينشر الدين ويملك الدنيا ازاى وهو مش مالك زمام بيته. اهي دي في بيته. ودي واحدة في اللبنة تحت هنا في الاول - [00:33:08](#)

فبيمسك اللبنة دي تحب الجري نجريها ونجري معها. انا عاوزكم تبقوا تبسوا كده في السيرة فرق السن اللي كان بينه وبينها في الوقت ده. ويجري؟ ايوة. طب انا اقدر اقتدي برسول الله؟ والله قدرت اقتدي اقتدي - [00:33:28](#)

لو لقيت حطة هادية كده ولا حاجة ابقى اعمل كده. انما تروح النادي وتفرج عينك امة لا اله الا الله. لا طبعاً تبقى راجل مش مضبوط. تروح النادي تجري انت وهي تبقى راجل ما انتش تمام. وتنهز قدام الناس لأ تحين حطة فاضية ما فيهاش خلق. وقت كده سكيينة بالليل بعد - [00:33:48](#)

الفجر واجروا اجروا سابقها سابقها. بلاش السباق كسباق يا اخي. اي حاجة تدخل السرور عليها والانس بها. اللقطة الثانية اللي عاوز اقول لكم عليها في فتح خيبر خيبر اللي بعد ما فتحت - [00:34:08](#)

تبع المسلمون من التمر وجا لهم سلاح وجا لهم سمن وعسل وخيرات وارض وازل الله اليهود صاروا خدامين عند المسلمين او باللغة بتاعتنا مرابعين يزرعوا لهم ارضهم ويقسموا المحصول بالنص بعد خيبر. في فتح خيبر حدس النبي عليه الصلاة والسلام عن صفية بنت حبي وجمالها - [00:34:28](#)

فاصطفاها لنفسه. شف بقى ادخال السرور والانس. خلاص. هم راجعين عند حطة كده اسمها سد الروحة. آآ خدوا راحتهم داخليين على المدينة بقى. وحلت صفية يعني ايه قيل للرسول صلى الله عليه وسلم يدخل بها بقى. هي من الغنائم ومن الاسرى وملك اليمين اعطاها الرسول عليه الصلاة والسلام الحرية - [00:34:58](#)

عتقها مهرها وتزوجها النبي صلى الله عليه وسلم. شوفوا اللقطة دي. انس والرسول بيعمل الكلام والناس شايفاه وانس بيروي مش عيب مش خجل لان ما فيش حاجة تستدعو الى الخجل اصلا. تقول - [00:35:28](#)

يقول انس رأيت الرسول يحوي لها بعباءة وراءه. مسك عباية كده وعملها زي الحواية عشان ايه تقعد عليها. وجلس بجوار بغيره ورفع ركبته. جلس لان البعير وهو بارك كده صفية مش هتتعرف تركب صح - [00:35:48](#)

او ممكن حاجة تنكشف او تبقى فيها مشقة في الركوع. فالرسول يجلس جنب البعير ورفع ركبته. وجت صفية رضي الله عنها تحط رجلها على ركة الرسول عشان تركب. على الحوايا اللي الرسول حواها لها - [00:36:08](#)

انس يرى ويسمع ويبلغ الامة. ياه! ايه ده! اديني عقلك صفية يعني من من كم؟ اقل من شهر كانت يهودية على اليهودية وابوها يهودي وزوجها يهودي وابوها قتل وزوجها قتل على اليهودية. قبل ما يمروا شهر - [00:36:28](#)

كانت حاطة رجلها على ركة رسولكم. عشان تركب على الجمل. بيعمل لها رجله كده زي سلمة ركبته عشان تركب. يبقى مؤانسة الزوجة. وادخال السرور على من حسن العشرة. حتى لو كانت يعني مش هيحصل جماع وسرير - [00:36:58](#)

كده برضو تؤانس. عائشة رضي الله عنها تقول كان رسول الله صلى الله عليه وسلم يضعه رأسه في حجر وانا حائض وقرأ القرآن طب ما تنام على المخدة يا رسول الله. لا رجل عيشة مخدة حيلة. دي لها معنى تاني. اما تنام تاخذ راحتك هنا لأ - [00:37:28](#)

شفت يا اخواننا؟ دي فن نبوي. هدي نبوي. كيف تتماسك الاسرة ويدخل الانس في قلوب الزوجة وترضى بهذا الشريك تقول يضع

رأسه في حجري ويقرأ القرآن وانا حائض. طب هو معتكف في رمضان؟ تقول كان رسول الله يخرج رأسه - [00:37:58](#)
الي وهو معتكف فاغسل رأسه وانا ايه مصممة تقول وانا حائض ليه؟ لاني عاوزه تقول يعني مش هتكتمل المعاشرة وكذا ويعمل
كده. خد اكتر من دي. الاتنين دول في البخاري. الحديسين دول في البخاري. عند ابن ماجة قولني بقى. تقول عائشة برضو. كنت -

[00:38:28](#)

اتعرق العرق. اتعرق العرق. وانا حائض. فاناوله النبي صلى الله عليه وسلم. فيضع فمه مكان فمه واشرب من الاناء واناوله النبي

صلى الله عليه وسلم فيضع فمه مكان فم وانا حائض - [00:38:58](#)

ليه يعني؟ ليه كده؟ العرض يعني حنة عضمة ذراع او ورك عليها بعض اللحن تقول هي اتعرف والعاطي يعني امسك الذراع او الورك

ده انقي منه لحمة على قد ما الاقي. ببوقها كده. واناوله النبي - [00:39:28](#)

طب ما النبي ما كانش هو الاول ليه؟ هو اللي حصل كده. هو اللي حصل كده. فتاخذ منه حنة حنتين ببوقها. وتناوله النبي النبي يشوف

بقها كان في انه حنة وياكل من مكانه. طب ما تنقي من الحنت الثانية لان دول معنى عندها - [00:39:48](#)

ناهيك بقى عن الحاجات الطبية والكلام اللي ودانا وراء الشمس. ها؟ ده ده بؤ عائشة مش بوق النبي. اه فكر يعني نقول ان بق النبي

خالي من الامراض وخالي من الميكروبات وبق النبي طاهر ومطهر. لأ دي بقة عايشة زي بوقك. زي بوقك. احنا عندنا بقى كل -

[00:40:08](#)

يرمي يعني تشرب مكانه يرمي يا عم! تشوف مكانه ازاى! تاكل مكانه وارمي. ارمي حط في السلة. ده حتى كمان هتاكل بمعلقة نضيقة

الفسق للمسلمين عايشين فيه فسق وترف. ومخاويين الشياطين معهم في اكلهم وشربهم. تلاقي الاكل كتير مسلا يعني - [00:40:28](#)

وهنجيب لك معلقة نضيقة. ابدأ طالما الناس كلت من الصينية دي شيل على الجدي واللي يروح فين؟ السلة اهي دي الفراخ

تاكل الاكل في سمن بلدي وتاكل اكل فخم كده وطباخين عاملين ارمي. بلا عدوى ولا شف العرض. وتقول - [00:40:48](#)

اشرب من الاناء لبن فيه اي مشروب غسل اي مشروب ببشربوه. ونوله النبي عشان يشرب يشوف حطة بوقها فين ويحط طول ما

كانوا انت مش خايف من العدو ولا ايه يا رسول الله؟ ما هو لا عدوى ولا طيرة. انت فاهم الميكروب بيتحرك او - [00:41:08](#)

وانت في فزلكتك تقدر توقف هجومه عليك. اه صحيح ناخذ بالاسباب لكن هنا ما فيش مواطن للعدوى. بنصوص الاحاديث دي ما

فيش مواطن للعدوى. الشاهد يا عباد الله يدخل الناس عليهم بمسل هذه الافعال. وعملوا تقولوا - [00:41:28](#)

حائض وانا حائض وانا حائض. ومن حسن العشرة كمان لما يكون فيه تأديب للزوجة برضو بين للي حواليك ان الناس لسه موجود.

بالنص كده والتي تخافون نشوزهن. فعضوهن واهجروهن في المضاجع واضربوهن - [00:41:48](#)

يبقى فيه حاجة فيه مشكلة هنا اهو بقى. فيه نشوز. واحتجت انت تستخدم اسلوبك التأديب. من هذا من هذه الى سبيل الهج. يقول

ابن عباس الهجران الهجران. الرسول الاول قال لنا في حديث ايه بقى؟ قال - [00:42:18](#)

لما سئل من معاوية القشيري حق امرأة احدا عليه. قال اطعمها اذا طعمت وتكسوها اذا اكتسيت ولا تضرب الوجه ولا تقبح ولا تهجر

الا في البيت ولا تهجر الا في البيت. فهنا هتستخدم الهجر كنوع من التأديب. سيدنا عبدالله بن عباس قال - [00:42:38](#)

في الآية ايه بقى؟ قال الهجران ان يضاجعها. يعني ايه يضاجعها؟ ينام معها. جنبه في جنبها ويوليها ظهره ولا يجامعها. الله! يعني

الولاد ما حسوش ان في مشكلة؟ ايوة ما يحسوش. ما يعرفوش ان في مشكلة؟ ايوا ما يعرفوش. دا بيأديبها برضو وماله - [00:43:08](#)

ده في مشكلة ما فيش انس. ما فيش انس ايوة ما فيش بس اللي حوالهم عارفين ان ايه لسه الناس زي ما هو. كل حاجة انما هي هو

ده الهجر يا اخواننا. ان يكون في البيت ما حدش يحسه. كتير قوي نسمع يقول لك ده كل واحد بينام في اوضة - [00:43:31](#)

من امتي؟ يقول لك من النهاردة اتجوزت. طب ليه؟ هو كده. ما بروحش عنده او ما بيحش عندي الا اذا كان عاوزني ما عدا ذلك كل

واحد في اوضته. ده هجر مستمر بقى هجر على طول. ودي سياسة حياة؟ ايوة عادي عادي. عادي - [00:43:51](#)

كل واحد في اوضته. وحياة وحياة. ييجي الناس منين؟ ويجوا الحب منين؟ ويجوا تيجي الالفه منين؟ وتيجي اسرة منين تنشر دين

وترجع سعيدة ومنصورة زي الرسول ما كان بيرجع كده سعيد ومنصور - [00:44:11](#)

اضطر صفية ببيع عمل لها حوايا ومرة عائشة ببسائها ما منتصر حق له حق له ان يستمتع بنصر الله اذا مؤانسة الزوجة وادخال السرور عليها من حسن العشرة بقي معنا امر ثالث نتعرف عليه اقول ما سمعتم واستغفر الله لي. الحمد لله والصلاة والسلام على سيدنا -

00:44:31

رسول الله من حسن العشرة الامر الثالث معنا مراعاة نفسية الزوجة وازالة حزنها مهم جدا ان تلاحظ زوجتك. زي ما هنعرف برضه مهم جدا ان تلاحظك تلاحظ زوجتك ايوة. لاحظ ازاى يعني؟ شف الفاظها. شف الكلمة. نبرات - 00:45:01

كلام الالفاظ اللي طالعة تدل عن حزن تدل عن سعادة تدل عن الم. بتدل على ايه سيدنا النبي كما روى مسلم وغيره يقول للسيدة عائشة رضي الله عنها ايه؟ اني لاعرف اذا كنت علي - 00:45:31

اذا كنت عني راضية واذا كنت علي راضية. يا سلام! يعني يا رسول الله لما تكون السيدة عائشة غضبانة عليك ايه اللي يحصل يعني؟ طب ما كفاية ربك راضي عنك. مسلا يعني خلي بالك شف الرسول. بيقول لها اني لاعرف او لا - 00:45:51

اعلم اذا كنت عني راضية واذا كنت علي غاضبة قالت بما تعرف ذلك يا رسول الله؟ يعني وحي يبجي لك قال اذا كنت عني راضية قلت لا ورب محمد واذا كنت علي غضبة قلت لا - 00:46:11

ورب ابراهيم. يعني واحنا بتكلم مع بعض لما اكون عاوزه تقسم وراضية عن النبي تقول لا ورب محمد حصل كذا ورب محمد لاعمل كذا كده يعني. يقوم الرسول يعرف ان هي ايه راضية عنه. ياه تفرق كثير؟ لا عند الرسول - 00:46:31

كمقام ما تفرقش. هو كفاية ربه راض عنه. الناس يرضوا او لا يرضوا ده موضوع لا يقدم ولا يأخر. انما ده بيته. ده بيته تفهم اللغة. لغة الحوار الزوجي. حوار زوجي - 00:46:51

زعلانة. نبرات الصوت الفاز الكلام. بيقول لها لما تكوني غضبانة علي شف غضبانة بتقولي لا ورب ابراهيم ولا ورب ابراهيم لاعمل كذا. لا ورب ابراهيم ما انا عاملة مسلا كذا. لا روح لاقى كده يعني - 00:47:11

قال له بلى يا رسول الله صح. كلامك صح. وهو هو يكلم ولا صح اصلا؟ يعني اذا لم يأتيه الوحي فهو ازكى خلق الله صلوات الله وسلامه يعني اذا الموضوع مش متعلق بالوحي هو اصلا ازكى خلق الله. فالشاهد قالت له نعم هو ده فعلا لما اكون مبسوط -

00:47:31

منك بقول لا ورب محمد. بيني يعني قلبي يعفيه شوية ولا حاجة نفسييتي مش تمام. بقول ايه؟ لا وربى ابراهيم. بس والله يا رسول الله ما اهدر الا اسمك. انت في القلب بس اسمك بس اللي ما تجيبهوش على الياه؟ مع ان خلي - 00:47:51

عائشة طبعاً بتصلي. فلما بتيجي بتصلي تقول السلام علينا وعلى عباد الله والصلاة سلم على النبي. وتسلم على سيدنا ابراهيم في الصلاة مهما صلواته تبقى باطلة لو ما صلتش عليه في الصلاة. لازم تصلي عليه في التشهد بس كلغة بقى وهي بتكلمه وتخاطبه -

00:48:11

عرف ان في ايه؟ في حاجة. لا ورب ابراهيم لا ورب محمد. فانت ما تبقاش بقى يعني الحس عندك واخذ اجازة ها وآ تلاقى الالفاظ عمالة يعني وتقول ما تنفلق - 00:48:31

تكفي لي يعني ايه تكفي لي؟ وهي لما تتفلي انت مش هتتفلي؟ وولادك مش هيتفلقوا. الاسرة دي مش هتتفلق هتتفاجى والشيطان هيوسع الفن. وهيكبر الموضوع وننتقل من الفاظ الى الفاظ الى الفاظ الى افعال الى - 00:48:51

الى الى وكل واحد يروح لحاله وكلنا معنا فلوس وانت هتجيب ست ست ستات وهي هتجيب سيد الرجالة وفي الاخر لم تطايل ست ولا هي الطيب دوفر الراجل وتقعده نتفرج. وده الواقع المر الاليم. الشاهد مراقبة الالفاظ - 00:49:11

وتزيل الحزن. اكيد طبعاً بعد ما الرسول قال لها الكلام ده هيسألها مسلا ايه اللي مزعلك؟ هتقول له كذا هيصالح لها الوضع وخلاها ايه تقول لا وربى ايه؟ ورب محمد صلى الله عليه وسلم. هو هو صلى الله عليه وسلم يراقب الاحوال - 00:49:31

يدخل بيته كما روى انس فيجد صفية بنت حبي تبكي. تبكي. ما يبكيك يا صفية قالت تقول حفصة اني بنت يهودي. وهي في فعل بنت يهودي. ستنا حافصة ما كذبتش - 00:49:51

صفية فعلا بنت يهودي. وابوها مات على اليهودية. وهتتبرأ من ابوها هو ابوها. اه صح تتبرأ نبات على الاسلام وهو على اليهودية. انما يعني هتقول مش ابويا فعلا لابوها. ومات على اليهودية. حافزة بتقول عليها صفية - [00:50:11](#)

يهودي اما هي بنت عمر بقى رضي الله عنهن اجمعين. وصفية بتبكي من الكلمة دي. فقال والله انك ان اباك الى النبي. وان عمتي لنبي وانك لتحت نبي. فيما تفخر عليك؟ ثم قال اتق الله يا حفصة - [00:50:31](#)

ايه ده؟ سبحانك يا رب! يلهم رسوله هذا كله وما ينطقه عن الهوى. وما ينطقه عن الهوى شوفوا الرسول يقوم خالعه وموصلها عند موسى عليه الصلاة والسلام. ساب بقى حيي ابن اخطب وابو حيي وجدو حيي وكل - [00:51:01](#)

اليهودية الكافرة دي ولا ابوك نبي. اللي هو مين؟ موسى عليه الصلاة والسلام. وعمك اللي هو هارون اخوه. شف وداها فين؟ رفعها فين؟ ما هي مسلمة بقى دلوقتي. وموسى مسلم وهارون - [00:51:21](#)

هي صحيح من فرع الاسرائيلي. من الفرع الاسرائيلي. والفرع الاسرائيلي ده فيه موسى وهارون. هي مش من فرع العرب مش من فرع اسماعيل. بس هي بقت مسلمة. فالاصل نرجع. يعني احنا مسلا ابونا اسحاق - [00:51:41](#)

وابونا اسماعيل اللاتين اباءنا اسحاق ويعقوب اباء لنا. وان كنا من الفرع الايه؟ العربي فرع اسماعيل بس دول مسلمين ننتسب لهم برضه. ما ننتسبش لليهودية. قال لها بوكي نبي اللي هو موسى - [00:52:01](#)

امك النبي اللي هو هارون. وانت تحت نبي. يعني زوجة نبي. يبقى بتفخر عليك ليه؟ ما يصحش حافزة تفخري على صفية وتقول عليها بنت يهودي. اتقي الله يا حفصة. بعد كلام النبي عليه الصلاة والسلام يفضل حاجة في نفس صفية. خلاص - [00:52:21](#)

كل الجروح كل الجروح انتزابت خلاص بقت زي الفل انت بقى لو متجاوز اتنين الشريرة وبعيد ها حصل اي حد ولما يترك بعض النسوان اشتكى نفسه بالقرف ولا فاضلهم؟ ياكلوا في بعض ويقوموا واكليك بعد ما يخلصوا الله - [00:52:41](#)

لا يا عبد الله رسولك مسك في الامور كده ابدأ. ابدأ. ابدأ بل يضع كل شيء في نصابه. واحدة غضبانة وتبكي لازم يكفكف دمعها. ويزيل الحزن عنها واللاتين امهات للمؤمنين. لما يكون ده في بيت النبي ويحصل كده اكيد في بيتنا اكثر. بيتنا اكثر - [00:53:11](#)

وشوف النبي بيتعالج بيتعامل مع المواقف كيف؟ كيف يتعامل مع المواقف؟ ويشوف ينسبها نسب لا يمكن يخطر على بالك ابدأ الا من فم النبي الطاهر الذي لا ينطق عن الهوى. ابوك نبي وعمك نبي وانت تحت نبي - [00:53:41](#)

مهم جدا يا اخواننا ان يزال ايضا الحزن. ويراعى ما انتاش قادر تزيله وانت عارف اني موجود رعياف واعرف اني موجود. روى انس وغيره ان النبي صلى الله عليه وسلم كان عند احدى زوجاته - [00:54:01](#)

فدخل الخادم بصحفة فيها طعام. فقامت التي هو في بيتها الحديث عند البخاري فقامت التي هو في بيتها فضربت يد الخادم. فانفلقت الصفحة فقال النبي صلى الله عليه وسلم غارت امكم. واخذ يجمع فلق الصفحة - [00:54:21](#)

ثم حبس الخادم يعني قعده حتى جيه بصحفة من بيت التي هو فيه في بيتها. ودفع الصفحة الى التي كسرت صحفتها. في رواية عند الترمذي صرحت ان اللي ضربت يد الخادم عائشة رضي الله عنها. والرسول صلى الله عليه وسلم قال طعام بطعام - [00:54:51](#)

هو انا بانيا. الشاهد من الحديث ايه؟ في معنا هنا في ازالة الاحزان وتحمل مسل هذه الله طبع الرسول جالس ومعه بعض الصحابة انا اظن ظنا كبيرا جدا ان فيهم ابو بكر - [00:55:14](#)

لان ابو بكر كان زي ظل النبي ما يبفارقوش. وطبعوا الطعام داخل وهم في بيت عائشة والطعام جاي وعائشة ما لهاش في الطعام قوي الغيرة اتحركت. حركت ولا قالت الرسول قاعد - [00:55:34](#)

ولا ابويا قاعد ولا الصحابة قاعدين ولا اي حاجة خالص قامت على الخادم ضربة القصعة اللي في ايده القصعة وقعت انكسرت انكسرت. الموقف هل يقتضي تعنيف مع النفي؟ تأنيب ما لاه ما لمش يصوم. ليه؟ ليه يعني؟ بيجاملها عشان ابوها؟ لا طبعاً. الرسول ما يعرفش الحاجات دي اصلاً. الرسول بيحط كل حاجة ده شر - [00:55:54](#)

الشرع ما فيهموش ميول واهواء. سكت ليه؟ ما شلش ايده وضربها ليه؟ ممنوع. ليه؟ لان ان دي نفسية مش نفسية عائشة لا نفسية نفسية نفسية الانسان نفسية المرأة لا يمكن تتحكم في مسل هذه الامور من الغيرة. من الغيرة. وعلشان كده ولا ولا - [00:56:24](#)

خرج من فمه الطاهر اي كلمة لعائشة. الا ايه؟ حكم بس. انا باء وطعام بطعام عشان ينصف مين؟ ينصف اللي انكسرت قصعتها بس.

اما لعائشة لا مش مجاملة. لان دي غير - [00:56:54](#)

مش طايقة فراعى النبي صلى الله عليه وسلم هذه الغيرة. فلما زوجتك تلاقيك بتتكلم في التليفون وعمال تجيب اسماء نساء وتاء التأنيس والحاجات دي. والدنيا تغلي عليها وتيجي تكلمك تقول لها اخري اللي ما لكيش فيه ما تتدخلش فيه يبقى انت عفوا حط

كده قوسين وحط كلام بين القوسين ده امر - [00:57:14](#)

افزع الالفاظ مش عاوزها تغير يبقى نفس الكلام. يبقى هي برضو لما تكون مع الجروبات اوعى تغير اوعى تغير سيبها تكلم اللي نفسها

فيه وتعمل اللي بتعملها فيه. لازم من حقها ان تغار وتحترم غيرتها. لان دي زوجة - [00:57:42](#)

والرسول زوج ومش اي زوج وبعدين الاكل ده جاي من عند درة والدرة احسن مني في ايه؟ وبعد هنا هنا الغيرة فيحترم النبي صلى

الله عليه وسلم النفسي الانسانية. ان دي شيه خارج عن شعورها. وخارج - [00:58:00](#)

عن ارادتها بتتصرف بدون انضباط ولا خلت الرسول قاعد ولا ابو بكر ولا الرجالة الصحابة ولا اي حاجة تكسر قال في حديث اخر

الغيرة لا ترى اسفل الوادي من اعلاه. في لحزة هيجان الغيرة ما تبقاش شايفه قدام عينها - [00:58:20](#)

لا شايفة اسفل الوادي فين ولا اعلى الوادي فين؟ تتصرف كده في سهرات فيجب ان تراعى مسل هذه الايه؟ الاحاسيس كذا علمنا

النبي وهكذا ادبنا النبي. نسأل الله العظيم رب العرش العظيم ان يرزقنا ادبه وخلقه وان يصلح - [00:58:40](#)

فساد بيوتنا. اللهم انك عفو تحب العفو فاعف عنا. اللهم انك عفو تحب العفو فاعف عنا. اللهم من اراد ديننا وبلادنا اسرنا بخير فوفقه

لكل خير. ومن اراد ديننا وبلادنا واسرنا بشر. فاجعل كيده في نحره واجعل - [00:59:00](#)

تدبيره تدميره وخذه اخذ عزيز مقتدر اشف مرضانا وارحم موتانا واهلك اعدائنا امين وصل اللهم وسلم وبارك على نبينا محمد

اذكروا الله يذكركم واشكروه على نعمه يزدكم واقموا الصلاة - [00:59:20](#)

- [00:59:40](#)